

Imbabura - Quishpichina Dios Escribichishca - Salvation Scriptures

Efesios 2:2 Huairapi mandajuj, ninan ushaita charij diablopaj munaita rurashpami, cai pachapajtalla rurajcunashnallata, cangunapash pundaca causarcanguichi. Chai diablollatami, Diosta na cazujcunataca cunangaman imatapash nalitalla rurachijun.

Mateo 6:10 Can mandanaca, ucha chayamuchunmi munanchi. Imashnami jahua pachapica can munashcashna ruranajun, chashnallata cai pachapipash, can munashcashna ruranajushpami ali canman.

Lucas 22:42 Cashna nishpami mañarca: —Ñuca Taitalla, jayajta ufianshna cai Ilaquita na apachun munashpaca, yalichihuai. Ashtahuangarin ama ñuca munashcata rurapaichu, cambaj munaita pactachipai— nircami.

Juan 16:7-9 Napacha llullashpami, quiqingunataca cashna nijuni: Ñuca rishpaca, quiqingunapaj ali cachunmi risha. Ñuca na riphica, quiqingunata ali Cushichijca na shamungachu. Ñuca rishpallami, quiqingunata ali Cushichijtaca cachamusha. 8 Pai shamushpami, cai pachapajtalla rurashpa causajcunataca juchata rurajcuna cajtapash, justiciatapash, jucio shamunatapash ricuchijunga. 9 Ñucata na crishcamanda, juchayu causanajujtami ricuchinga.

2 Timoteo 2:10 Chaimandami Dios agllashca gentecunamandaca, Ilaquita apajuni. Paicunapash quishpirishpa juyailla causaita causagrinata charichunmi, shina Ilaquicunata apajuni.

Romanos 15:20,21 Chashnami, Cristopaj shutita nara uyashca llactacunapipash, ali villaita ashtahuian shinlipacha yarishpa villajurcani. Ña shujcuna villai callarishca llactacunapica, na villarcanichu. 21 Ashtahuangarin escribichishca Shimipi cashna nijunshnami rurrcani: “Paimanda ima horapash villajta nara uyajcunami ricunajunga. Paimanda ima horapash nara uyajcunarami yachanajunga” nijunmi.

Hechos 2:36,37 Tucui israelcuna, caitaca aligutapacha yachanami canguichi. Canguna chacatashca Jesustallatami, Mandaj cachumbash, Quishpichij Cristo cachumbash, Taita Diosca churashca” nijurcami. 37 Chashna villajupimi, shungupi ninanda Ilaquirishpa Pedrotapash, villachun cachashca caishujcunatapash, cashna ninajurca: —Shina cashpaca, ¿imatata rurapashun, huauquicuna?— ninajurcami.

Hebreos 4:2 Ñucanchimambashmi, paicunamanshnallata ali villaiguta villajushca. Shina cajpipash chai shimita uyashpapash na crishpa, na chasquishcamandami, paicunapajllata imapajpash na ali cashca.

Jeremías 24:7 Ñucataca, Mandaj Dios cajta rijsichunmi, paicunaman ali

shunguta cusha. Paicunaca, ñuca agllashcacunami canga. Ñucapash, paicunapaj Taita Diosmi casha. Paicunaca, tucui shunguhuan ñucapajman tigrarijpimi, chashna rurasha" nihuarcami.

Hechos 16:14 Paicuna purapica, Tiatira shuti pueblomanda, Taita Diosta ninanda alicachij, Lidia shuti huarmimi chaipi uyashpa tiajurca. Paica, juyailla morado telacunata jatuj huarmimi carca. Pablo villajujta chai huarmi aliguta uyachunmi Apunchi Jesusca, chai huarmipaj shunguta pascarca.

Mateo 13:14,15 Paicuna chashna tucujpimi, Dios ima nishcata villaj Isaías villashcapash pactashca. Isaisca cashnami nijurca: 'Rinrihuan uyashpapash, na yachai ushashpami causanguichi. Ricuitaca ricushpapash, napacha ricushcashnami causanguichi. 15 Cai gentecunapaj shunguca, ninanda shinliyashcami. Rinrihuan uyashpapash, nali uyanajunllu. Ama ricungapaj, ñavitapash vichashcashnami causanajun. Rinripash ama uyachun, shungupipash yuyaita ama japingapaj, ñucapajmambash ama tigrangapaj, ñucapash ama paicunata alichijuchunmi, chashna tucushca' nijurcami.

Isaías 6:9,10 Shina nijpimi, paica cashna nihuarcam: "Shina cashpaca rilla. Chai gentecunaman, cashna nigri: 'Ali uyashpapash, na yuyaita japisthpami causanguichi. Ali ricushpapash, ima cajta na yachashpami causanguichi' nigri. 10 Chai jipaca, cai gentecunapaj shunguta shinliyachingui. Paicunapaj rinritapash, ñavitapash vichangui. Paicunapaj ñavihuambash ama ricuchun, rinrihuambash ama uyachun, shungupipash yuyaita ama japichun, ñucapajmambash ama tigrarichun, chashna rurangui. Shinamandami paicunapaca, ali tucunapash na tianga" nihuarcami.

Marcos 4:11,12 Shina tapujpimi Jesusca, cashna nijurca: —Taita Diosca, pai mandajuj llactagumandaca pipash na yachai ushashcatami cangunamanlla yachachin. Ashtahuangarin chaishuj gentecunataca, parlocunallahuan chimbapurashpami imatapash yachachijuni. 12 Ricushpapash na ricushcashna cachun, uyashpapash na uyashcashna cachunmi, cashna yachachijuni. Paicuna yuyaita japisthpama Diospajman tigrarichun, paicunapaj juchatapash Diosca ama cungachunmi, cashna yachachijuni— nijurcami.

Juan 12:39,40 Paicuna imamanda na crinatapash, Isaiasllatami cashna nijurca: 40 "Diosmi, paicunapaj ñavitaca ñausayachirca. Shinallata paicunapaj shungutapashmi shinliyachirca. Paicunapaj ñavica ama ricuchun, paicunapaj shungupash ama yachai ushachunmi, chashna rurarca. Ñuca paicunata alichijpi ali tucungapajpash, ñucapajman na tigramunllu" nijurcami.

Romanos 11:7,8 Israelpacuna, ¿imata tucushca? Paicuna mascanajushcataca, na japi ushashcachu. Ashtahuangarin Dios

agllashcacunaca, japi ushashcami. Chaishujcunaca, shinlli shungucunami tucushca. 8 Esribishcapica cashnami nijun: “Taita Diosmi, paicunata muspayachij yuyaita curca. Ñavita charishpapash ama ricunajuchun, rinrita charishpapash ama uyanajuchunmi, cunan punllacaman chashna curca” nijunmi.

2 Tesalonicenses 2:10,11 Umachishpami paica, imatapash nalitalla rurashpa ricuchinga. Chingaita chingangapaj rinajuj gentecunatami crichinga. Na llullashpa, juyaimanda villajuj Shimitaca, paicuna quishpirichun villajpipash, na chasquishcamandami, chashnaca tucunga. 11 Shinamandami Taita Diosca, llullatara crichun, umashpa crichina ushaita cachamunga.

Mateo 13:18-23 Tarpuj runahuan chimbapurashpa ñuca yachachijuitaca, aliguta uyahuachi. 19 Jahua pachapi Dios mandajujmanda villajuj shimita uyashpapash, huaquingunaca na yuyaita jalinllu. Chaicunaca, ñambi urmashca muyushnallami tucunajun. Paicunapaj shungupi tarpushcashna uyashcatami, diablo shamushpa cungachin. 20 Huaquingunaca, rumilla alpapi urmashca muyushnallami tucun. Paicunaca, Diospaj Shimita villajpipash, ashagucamanllami cushijushpa chasquin. 21 Paicunaca, sapita na charij yurashna cashpami, ashacamanlla catin. Shina cashpami llaquicuna japijpi, na cashpaca Diospaj Shimita catijuji catiriashpa llaquichipica, nitijanshna pandanajun. 22 Huaquingunaca, Diospaj Shimita villajpica, aligutami uyan. Paicunaca, casha viñana chaupipi urmashca muyushnallami tucun. Cai causaipilla ashtahuan ashtahuan ninanda charingapaj munashpami, pandachi tucunajun. Diospaj Shimitaca, chai tucui munaicunami cungachin. Shinamandami paicunaca, grano na fucunshna tucun. 23 Ashtahuangarin shujcunaca, ali alpapi tarpushca muyushnallami causanajun. Paicunaca, Diospaj Shimita uyashpami, aliguta fucunshna mirachinajun. Huaquingunaca shujlla muyumanda patsajta fucunshna, shujcunaca sucta chungata fucunshna, shujcunaca quimsa chungata fucunshnami mirachin— nijurcami.

2 Corintios 3:15,16 Moisés mandashcataca, cunan punllacamanmi leyinajun. Chashna cashpapash paicunaca, telahuan shunguta quilpashcashna cashpami, na yachajui ushanajun. 16 Ashtahuangarin Apunchi Jesuspajman pipash tigrarijpica, paimi chai telataca anchuchinga.

Isaías 30:28 Paipaj samaica, jatun yacu jatarishpa jundamunshnami cungacaman quilpanga. Paica, tucui llactacunapi causajcunatami, jarnerohuan shushushpa tucuchinshna, shushuj shamunga. Llactacunapi causajcunata pandachingapajmi, frenota quijadaspi churachinga.

Oseas 11:3-7 Shina cajpipash Efraín aillutaca, paicunatapacha rigramanda aisashpami, ali ñambi purichun yachachircani. Ashtahuangarin paicunaca ñuca cuidajushcataca, na yacharcachu. 4 Ñucaca, paicunataca

huascahan aisanshnamí, juyashpa ñucapajman pushamurcani. Paicunapaca, cunga tullumanda yugota anchuchij runacunashnamí anchuchircani. Micunatapash, paicunapaj ñaupajpimi churarcani. 5 Egipto llactamanga, na tigrangachu. Ashtahuangarin Asiria llactapi causajcunami, paicunapaca jatun mandaj tucunga. Ñucapajman tigraringapaj na munashcamandami, chashna tucunga. 6 Paicunapaj pueblocunapi causajcunatapash, paicunapaj muyundi llactacunapi causajcunatapashmi, espadahuan tucuchinajunga. Paicunallata, nalita yarishpa imatapash rurashcamandami, chashna tucuchinajunga. 7 Ñuca agllashcacunaca, ashtahuan ashtahuan jariyashca tucushpami, ñucata na cazunajun. Jahua pachapi causajuj Dios ninajushpapash, napacha ñucataca pipash jatunyachingapaj munanllu.

Hechos 26:18 Paicunaca, Satanás mandajupimi, yana yana tutapishna causanajun. Paicunataca, canmi ñavita pascanshna michata ricushpa, Taita Diosta catichun yachachingui. Paicunaca, ñucata crishpami, juchacunata anchuchi tucunga. Shina cashpami paipajlla tucushcacunahuan, Dios carashapachami nishcataca japinajunga' nihuarcami.

2 Timoteo 2:24-26 Apunchi Jesusta servishpa causajca, pihuambash na fiñanajushpami, aliguta causana. Ashtahuangarin tucuicunahuan ali cachun, yachachina munaitapash charij cachun, llaquitapash apajlla cachun ninimi. 25 Villajupi na cazujcunatapash, ali shunguhuambacha yachachij cachun. Shina yachachipica, Taita Dios yarichijpi llaquirishpa, na llullashpa villajuj Shimita crishpa, paicunapash aliguta yachajunmambashchari. 26 Shina yachajushpaca, diablo munashcata rurachun chariju tugllamandaca llujshinmambashchari.

Apocalipsis 3:17-19 Canga, charij cashpami, ñucallatami ninanda chariyashcani, na imapash illanichu nijungui. Canga, llaquilla causaj, llaquinayai, imagutapash na charij, ñausa, lluchulla cashcataca na yachanguichu. 18 Chaimandami candaca, can ninanda chariyangapaj munashpaca, ninapi rupachishca juyailla ñuca orota randihuai nishpa, ali yuyaita cuni. Churajunatapash, yuraj churajunata randihuai ninimi. Chaihuani cambaj pinganayai, lluchulla cuerpotapash quilparingui. Shinallata ñavi ali ricuchunga, colirio nishca jambitami churaringui. 19 Ñuca juyashcacunataca, tucuicunatami jarcashpa, ninanda llaquichishpa yachachini. Cunanga, ñucatalla juyashpa, nalita rurashcamanda ninanda llaquirishpa, ñucapajman tigraringui.

2 Corintios 7:10 Taita Dios munashcashna llaquirishpaca, nali causajushcata saquishpa quishpiringapajmi ninanda llaquirin. Chaimandaca, na llaquirinajunachu canchi. Ashtahuangarin cai pachamanda llaquica,

huañuimanmi apajun.

- 1 Reyes 18:37 Mandaj Dioslla, ñuca mañajuja uyashpa tigrachihuayari, tigrachihuayari. Chashna tigrachijpimi, can Mandaj Diostaca, Taita Diospacha cajta yachanga. Paicunapaj yuyaitapash, canllata cambajman tigrachij cajtapashmi yachanga” nishpami mañarca.
- 2 Corintios 4:4 Paicuna ama yachai ushachunga, cai pachapi mandajuj diosmi, paicunapaj yuyaita yanayachishpa saquishca. Paicunataca, punchapamba Cristomanda ali villaica, michashna ama punchayachijuchunmi, ñausatashna charijun. Imashna Taita Dios cajtapash, Cristomi ricuchijun.

Luas 8:11-15 Chimbapurashpa parlashpaca, cashna yachachijuni:

Muyugutaca, Taita Diospaj Shimigumi. 12 Ñambi urmashca muyucunaca, caicunami: Huaquingunaca, Diospaj Shimita uyanmi. Shina uyajpipash, paicuna crishpa ama quishpirichunmi, diablo shamushpaca, Diospaj Shimita uyashcatapash shungupi cungachin. 13 Rumilla alpapi urmashca muyucunaca, caicunami: Huaquingunaca, Diospaj Shimita villajpi cushijushpami chasquin. Shina chasquishpapash paicunaca, sapita na charij yurashna cashpami, huaquin huatacamanlla crishpa catinajun. Shina cashpami, ali crij cajta ricungapaj llaquicuna japijpica, huashaman tigranlla. 14 Casha chaupipi urmashca muyucunaca, caicunami: Paicunaca, Diospaj Shimita uyashpapash, cai causaipilla chariyangapaj munashpami, imatapash rurashpa musparinajun. Shina causanajushpallatami, cai causaipajtalla imatapash rurashpa ninanda cushijushpa, paicunaca na fucuj granoshna tucunajun. 15 Ashtahuangarin ali alpapi tarpushca muyucunaca, caicunami: Paicunaca, Diospaj Shimita uyashcataca, tucui shunguhuan aliguta catishpami, juyailla fucuj granoshna causanajun.

Hechos 15:11 Ashtahuangarin Apunchi Jesuspaj ninan juyaibandallami, ñucanchipash paicunashna quishpiri ushanata crinchi— nijurcamí.

Romanos 8:13 Cangunapaj munaitalla rurashpa causashpaca, huañunguichimi. Ashtahuangarin nali munaicunata rurashcataca, Diospaj Espirituhan huañuchinshna tucuchishpaca causanguichimi.

Pastor T. John Franklin
Church of Salvation, Healing, and Deliverance
COS-HAD.org